



UNIVERSITÄTS-  
BIBLIOTHEK  
PADERBORN

## **Antiquae Lectionis Tomus ...**

In Qvo Plvra Qvam XX. Antiqua monumenta, nunquam edita

**Canisius, Heinrich**

**Ingolstadii, 1602**

Carmen Legis. plaude Regis.

---

[urn:nbn:de:hbz:466:1-64160](https://nbn-resolving.org/urn:nbn:de:hbz:466:1-64160)

Salve certa quies populorum tempore nostro:  
 Salve pax orbis, mundi fortissima turris,  
 Hostes Ecclesia que sternis semper abunde,  
 Unde sui capitis mundus prauidit honorem.  
 Tu caput es mundi, caput est tibi rector olympi,  
 Cuius membra regis iusto moderamine legis.  
 Tales vult dominus, quibus est hæc maxima virtus,  
 Mens humilis multum, cum qua te nouimus ortum.  
 Ceruicem pronam decet acceptare coronam.  
 Rex humilis crescit, quoties oriente diescit;  
 Et cadit elatus, semper scuire paratus.

## EPILOGVS.

Carmina musarum Rex per lege pauca tuarum.  
 Sit locus hic alius tibi reddere munia laudis,  
 VV<sup>I</sup>P<sup>O</sup> tuus famulus si vult defendere tempus,  
 Vt scribat Regi, quod lex dictauerit illi,  
 Hic nobis istos persuasit claudere versus.  
 His Christo cura pie Rex Cæsare, future,  
 Et viuas sanus centeno tempore canus.

## Carmen Legis. plaude Regis.

**A**D Regis laudes Lex ambas erigit aures.  
 Vt segetes pluuuis, sic cresco laudibus istis.  
 Non plus mulcet apes mellitos lambere flores,  
 Quàm me laus Regis, qua constat pactio legis.  
 His mihi sit verbus, quod rore virentibus herbis,  
 Quando dies verni reparabunt gaudia mundi.  
 Quid satius Legi, quàm dicere talia Regi?  
 Salue flos patriæ, quo fructum pacis habere  
 Non dubitat mundus, quia regnas orbe secundus  
 Post dominum cæli dignus mundana tueri:  
 Salue stirps Regum populis veneranda per æuum.

Bb 2

Radix



Radix magna fuit, quam ramus talis adauxit;  
 Nobile germen erat, quod mundum floribus ornat,  
 Vna viri virtus multum prestare solebit,  
 Commendatq; nimis probitas semel edita quoddam  
 Quod faciunt plures caput vnum Regis habentes,  
 Quas numerare valens seriem facit ordine longam.  
 Sed tamen ex cunctis sex Regem magnificabunt  
 Virtutes, aliasq; satis precedere norunt.

leg. decens

Mens humilis, pietatis amor, Pax missa per orbem,  
 Nobilitas & forma \* docens, fiducia belli;  
 Has voco precipuas & Regis honoribus aptas  
 His Rex Henricus Christi clarescit amicus.

Ad mea nunc venio, qua nouit mundus in illo:  
 Sunt mea qua dicam, quia sum Lex, ille meus Rex;  
 Et qui me spernit, Rex eius praelia sternit.  
 Qui mea iura colit, Rex hunc defendere nouit.  
 Rex Christo charus; nullum vastabit avarus  
 Vile putat studium si quis comportat in vnum  
 Quicquid habere potest, cum jus non querat habendi,  
 Et diues multum contemptor diuitiarum.  
 Curis furdus amor miseris clamantibus obstat.  
 Vendiderit leges captura pecunia Reges,  
 Et de Principibus iustos furabitur usus.  
 Et Rex Henricus vir prudens prospicit illud,  
 Ut tunc curet opes, cum nullum sunt reprimentes.  
 Nec contra legem slectunt donaria Regem.  
 Sic facit ut doctus quis Rex est doctior illo?  
 Quis Caesar melius, si quid rubrica vetauit,  
 Scire valet primis, quam discere coeperat annis.  
 Felix sit genitor rediuius laude perenni  
 CONRADVS Caesar quem maxima causa subiuit,  
 Ut sciret natum studijs ad regna paratum,

Qui



Qui recter publicus mundum discernere posset.  
 Felix sit mater memorando carmine digna.  
 GISELA de CAROLI procedens sanguine MAGNI.  
 Nam si post decimam numeretur linea quarta.  
 Post CAROLVM MAGNV M nascetur nobilis ipsa.  
 Hac operam dederat, quod Rex in lege studebat:  
 Illa sibi libros persuaferat esse legendos,  
 Ut varios ritus diiudicet arte peritus  
 Doctrina lumen tenebrosum dirigit orbem.  
 Gentes infestas vicit Romana potestas  
 Olim consiliis; non semper vicerat armis.  
 Est satis expertum quantum sapientia possit,  
 Quae per vim verbi flectit moderamina regni.  
 Rex iterum saluo. tibi laus sit cum genitrice;  
 Ad cuius votum tibi dat sapientia totum,  
 Quo decus imperij valeas per iura tueri.  
 Congaudete simul; non ut discordia regnet,  
 Quae dudum. regni turbauit gaudia nostri.  
 Cum dominis rerum sit pax sine fine dierum.  
 O sanctos mores cum matri reddis honores.  
 Est tibi spes vicia, si sit sibi gloria per te.  
 Si quid erat, rite Deus illud transtulit ipse.  
 Exin nullus homo foedus dissoluere possit,  
 Quod Deus adiunxit, qui pacis dona creauit.  
 Perstet dulcedo materni nominis in te,  
 Cum valeas alios acquirere semper amicos.  
 Mater in hac vita non plus tibi venerit vlla.  
 Quin aliud dicam tibi Rex ego consiliatrix,  
 Lex tua, ne renuas post dictum commemorare;  
 Cum Deus omnipotens tibi totum fregerit orbem,  
 Et iuga praecepti non audet temnere quisquam,  
 Pacatusq; silet firmato foedere mundus.

B b ij

Cumq;



Cumq̄ per imperium tua iussa volatile verbum  
 Edocet Augusti declaro nomine scriptum.  
 Tunc fac edictum per terram TEVTONICORVM,  
 Quilibet ve diues sibi natos instruat omnes  
 Litterulis, legemq̄ suam persuadeat illis,  
 Ut cum Principibus placitandi venerat usus,  
 Quisq̄ suis libris exemplum proferat illis.  
 Moribus his dudum vivebat Roma decenter:  
 His studiis tantos potuit vincere Tyrannos:  
 Hoc seruant ITALI post prima crepundia cunctis;  
 Et sudare scholis mandatur tota iuventus:  
 Solis TEVTONICIS vacuum vel turpe videtur,  
 Ut doceant aliquem, nisi clericus accipiatur.  
 Sed Rex docte iube cunctos per regna doceri,  
 Ut tecum regnet sapientia partibus illis.  
 Præterea tibi Rex mandat BVRGVNDIA, surge  
 Atq̄ veni, propera, nouiter subiecta vacillans  
 Interdum, domino per tempora multa remoto.  
 Funditus est verum veterano tempore dictum:  
 Quicquid abest oculis, remouetur lumine cordis.  
 Quamuis nunc pacem teneat BVRGVNDIA per te.  
 Auctorem pacis tamen in te cernere quarit,  
 Et cupit in Regis sua lumina pascere vultu.  
 Huc ades, & regnum fac, te veniente, serenum.  
 Si Sol occubuit, cum Caesar regna reliquit  
 Irradias patriam, si tu modo viseris illam.  
 Hac olim magno domuisti regna labores;  
 Vere nunc populis, tibi Rex seruire paratis.  
 Hac via sis facilis, quam præparat orbita pacis:  
 Huc bene venias, hic omnia prospera cernas.

CAR.